

識  
病  
捷  
法

識病捷法卷十

○女科目錄

難成胎脉道二

易成胎脉道二

已成胎脉道三

產後生脉道四

產後死脉道六

經漏赤白帶生脉道四

經漏赤白帶死脉道四

經漏赤白帶難治脉道一

胎前探胎法規胎

驗子死腹中法漏胎

胎前死症各一

臨產死症各三

產後難治症各一

治法四十四條

胎前症各二十

護胎法

墮胎名五

胎婦禁忌藥三十七味

墮胎方道一

難產名計

產後名計

胎前產後乳症名八

經水不行名計七

經漏不止名計一

經水不調名計二

赤白帶下名計七

癥瘕名計二

寡婦尼姑室女症四

成胎名一

五臟養胎名計

不受胎名計八

斷胎法

種子法

目錄終

識病捷法卷之十

蘇郡長洲慕松繆存濟纂集

女科

有二百三十六名

雜症與男子同不重出矣惟女流嗜慾多於丈夫  
生病倍於男子况性偏執更有胎前產後經水行  
閉不調赤白帶下癥瘕寡婦尼姑室女成胎不受  
胎各各之異忌用應用之藥與男子之劑不同及  
女人在床帟之中望聞問切四者之要但得切脉

之一故云寧醫十男子莫醫一婦人斯言甚善治  
療是科倍加意焉

○難成胎脉道

沉細

○易成胎脉道

滑大

○已成胎脉

尺部脉不絕 左疾男 右疾女

○產後生脉

緩滑 沉重 沉細 跗骨不絕

○產後死脉道六

實 大 絃 急 寸口湍緊 堅牢

○胎前死症乙

乳哭未生育之前有乳汁出者名曰乳哭

○臨產死症三名辨驗子死腹中法開治法內

唇口俱青口兩邊沫出身重寒熱舌下青黑

舌上冷主母子皆死

面青舌赤口出沫主母死

面赤舌青色主子死

○產後難治症乙

房勞

○產後死症<sub>名二</sub>

氣急猶聲

面生黑靨

○經漏并赤白帶生脉<sub>道四</sub>

虛滑遲小

○經漏并赤白帶死脉<sub>道四</sub>

大緊數急疾

○經漏并赤白難治脉<sub>道四</sub>

浮脉

○治法

凡胎前用驗胎法如胎前三箇月經水不來用  
探胎飲以川芎一兩蘄艾八分水二鍾煎八  
分夜半服五更或平明腹內微動者是胎不  
動者非也如小腹內動者又非是胎乃血也  
凡暑月臨產有二○一暑入產戶大發熱其脉  
虛疾而大惡露不行敗血攻心狂言叫呼奔  
走拿捉不住用乾荷葉生地牡丹皮濃煎湯  
調下生蒲黃二錢一服立定惡露即下不愈  
再服○二夏月宜在房外燒紅磚取進房以  
醋潑之以防血暈不可在房內燒火



凡冬月臨產有二○一寒入產門臍下脹滿手不可近此寒疝也若謂有瘀血非其治也用當歸二錢生薑一兩精羊肉四兩陳皮五錢水三碗酒少許煎二碗分二次服○二淋洗法用吳茱萸紫蘇煎湯淋洗臍腹產戶即下凡臨產或不產俱有血暈之症壞人甚速常令抱產婦腰兒即順生

凡難產如平日胎漏當時胞水放竭難產用油以清油好蜜各半碗同煎數沸溫服胎滑即下助血即効

凡難產用藥六七日不下垂死及交骨不開

川芎

當歸各一兩

自死龜板

一兩

婦人髮一把

燒灰共為粗末每服五錢水鍾半煎服約人行五里不問生死胎立下○又用雲母石細研澄過取團如鷄子臨時取四錢酒下即產口

凡難產用法以皂角末少許吹鼻中令嚏即產

○二難產灸法藥不能驗急於產母右腳小

指尖頭上艾灸如麥粒大灸三壯立產

凡子死腹中驗法須驗腹間冷痛身體寒熱小便沫出胎上冷舌上冷指甲與舌皆青黑色

腹脹悶甚者口中作屎臭其用法有一用藥  
有一〇一以牯牛糞炒大熟入醋半盞將青  
布裹包於臍上下熨之立下〇二雖數日子  
死腹內母氣欲絕者杜牛膝三兩紫金簾七  
錢肉桂二錢當歸四錢葵子七錢射五分為  
末米飲丸如梧桐子大朱砂為衣每服七十  
丸乳香煎湯吞下屢驗

凡催生用法有二〇一有貼臍法雄黃硃砂各  
錢半草麻四十粒去皮蛇脫一尺為末漿水  
飯和丸如彈子大臨產時先以椒湯淋洗臍

下次以藥安臍中用紙數重蓋藥以布繫之  
須臾急生速取去臍中藥不可遲○二臨產  
催生草麻子去殼研細塗兩足心產下即洗  
去若去遲或不取則腸出腸出又將此藥貼  
頭頂心用百粒亦不妨

凡催生用藥有三○一催生多用滑  
利迅速之藥如兔腦筆頭灰努牙蛇皮等藥  
○二催生若水血先下子道乾澁不能下者  
如猪脂蜜油酒葱白葵子牛乳榆白皮滑石  
是也○三催生若稽停勞動已久風冷乘虛

入於胞胎使氣血凝滯而不下者如牛膝葱  
桂是也

凡產時未急不可強服催生藥其欲產時先待  
胞漿水破腰腹疼痛作陣眼中火生此是胎  
已離經兒逼產門始進催生藥葵子研半合  
當歸三錢煎服屢効如神

催生丹治生理不順產育艱難或橫生或逆生  
大有神効射香研一匙通明乳香一錢右以  
臘月兔腦和丸如芡實大陰乾用紙密封每  
服一九溫湯下立產男左女右手中握藥丸

湯布熨胞間自然便下如用冷水噴灌激住  
敗血必死

凡產畢有五○一不可就上牀卧閉目勿令側  
卧○二令兩人扶住用手從心下輕上摩按  
至小腹一日間六七次惡血皆下三日乃止  
醋炭舊漆罌要燒七日○三不問腹疼不疼  
有無疾病用童子小便一盞酒少許溫煖服  
一日內服五六次○四就與溫軟白粥一味  
不可大飽漸上增加○五七日內不可洗手  
面一月內不可梳頭一百二十日不可勞力

過度

凡產後病大率有三症血虛火動敗血妄行飲食停傷

凡產後血暈之症有三宜仔細辯症用藥○一下血少而暈者乃惡露不捨於心心下湍急神昏口噤不知人事宜破血行血用異神散○二下血多而暈者但神昏煩亂而已宜補血清心川芎當歸各六錢煎服○三有用心用力過多而暈者宜補氣加香附

凡產後血暈又兼他症而暈者有六○一素多

風疾因產損血乘而暈者用四物湯加防風  
羌活○二若暈悶熱多者加獨活柴胡○三  
下血多氣虛極暈不知人事不止者則殺人  
如作暗風治誤矣宜服清魂散

人參錢澤蘭葉錢荆芥

錢

川弓

錢

甘草

分為

末每用二錢酒白滾湯各半急灌之醒黑龍  
丹亦妙○四氣血俱虛不能制痰與火火與  
痰皆泛上頭眩之狀而暈者用二陳湯隨加  
補氣血藥○五眩暈須量虛實若宿有痰飲  
不除產後多致眩暈又兼血氣虛弱而使血



逆上攻此又非清魂散可治○六先取醋塗口鼻仍置醋於面前使聞其氣蒸細上灌飲之此為上法

○胎前症

有二十  
八名

惡阻

有孕惡心阻其飲食是  
也多從痰治瘦人是熱

心悶吐逆頭眩四肢怠惰煩疼惡寒自汗發黃服茯苓半夏湯

胎動

或因頓仆不安或搶心或腰腹疼或去血服膠艾湯

胎傷

房勞或自高墜下或重物所壓腹疼下血或胃  
虛嘔逆○服佛手散安胎散各半

胎熱

心脾壅熱咽乾口苦渴煩悶多驚○服知母飲

胎冷

腹脹痛引兩脇小便頻數大便虛滑○服安胎  
和氣散

胎漏

或因房事下血○服枳殼湯二黃散各半或服

桑寄生散

胎虛

肝經血少風熱上攻眼目帶吊失明○服天門冬飲子

胎痛

胎寒腹痛○服地黃當歸湯

胎肥

妊娠胎氣壅盛常服枳殼散滑胎易產八月常服滑胎益血安和子臟易產

胎痿

宿有風冷胎氣不長或失調理動傷胎氣○服  
安胎白朮散

子煩

心驚胆怯終日煩悶○服竹葉湯

子腫

面目虛浮肢體重如水氣○服全生方

子氣

成胎三月後兩腳面漸腫至腿膝及端悶飲食  
不美狀似水氣或腳指有黃水出○服天仙藤  
散

子懸

胎氣不和湊上心腹脹滿疼痛○服紫蘇飲

子淋

小便澁少遂成淋澁○服安榮散

子癰

中風頭項強直筋脉攣急言語蹇澁痰涎不利  
或時發搐不省人事○服羊角散

子遺

小便不禁○服桑螵蛸散或白薇散

子哭

兒在腹中哭○用空房鼠穴中土一塊令妊婦  
噙之即止又方用黃連濃煎母哈之一云臍帶  
上疣瘡乃兒口中含者因妊婦登高取物脫出  
兒口以此作声令曲腰在地拾物使兒復得吞  
入口中即止

### 轉胞

小便不通○服四物湯參朮飲各半探吐法出  
玉義不愈又服燭勝散

吉胎

附病見  
凶變吉

平日無病交第三箇月服安胎飲第八箇月服

東胎丸第九箇月服東胎散第十箇月服枳殼

散分產後服佛手散

胎前第九箇月不語者不  
服藥交十箇月則自愈

鬼胎

癥瘕癖塊有似孕婦○服枳殼檳榔散

又鬼胎孕婦如抱一甕○服斬鬼丹

妊娠五七箇月宜服安胎飲數服可保全產若日

月未至而痛如欲產者用知母為末蜜丸如芡

實大酒化下

妊婦傷風咳嗽不已○用華蓋散如嗽痰中見紅

者用欵花膏不可服犯胎氣藥加阿膠五六分

亦通

妊娠傷寒

汗下後飲食減少血虛者○服四物湯四君子湯

妊娠傷寒

中風表虛自汗頭疼項強身熱惡寒脉浮弱○服四物湯加桂枝地骨皮各一錢

妊娠傷寒

頭疼身熱無汗脉浮緊○服四物湯加麻黃一錢細辛三分



妊娘傷寒

中風濕之氣肢節煩疼面熱頭疼脉浮○服四物湯加防風蒼朮各一錢

妊娘傷寒

下後過經不愈濕毒發斑如錦紋○服四物湯加升麻連翹

妊娘傷寒

胸脇滿痛脉弦少陽頭昏項強○服四物湯加柴胡黃芩各一錢

妊娘傷寒

大便硬小便赤氣滿脉沉數急下之○服四物湯加大黃三錢桃仁十粒炒

妊娠傷寒

汗下後咳嗽不止○服四物湯加人參一錢五味子七粒炒

妊娠傷寒

汗下後虛痞脹滿○服四物湯加厚朴枳實

妊娠傷寒

汗下後不得眠者○服四物湯加梔子黃芩

妊娠傷寒

身熱大渴蒸上而煩脉長大○服四物湯加石膏知母

妊娠傷寒

小便不利○服四物湯加茯苓澤瀉各三錢

妊娠傷寒

小便赤如血狀○服四物湯加琥珀茯苓各三錢

妊娠傷寒

四肢拘急身涼微汗腹中痛脉沉遲○服四物湯加桂附子炮去皮臍

妊娠傷寒

汗下後血漏不止胎氣損者○服四物湯加阿膠蛤粉炒艾

妊娠傷寒

畜血症不宜用墮胎藥止宜四物湯加生地大黃

○妊娠傷寒護胎法

用井底泥青黛伏龍肝各為末調勻塗於孕婦臍中二寸厚如乾再塗上以保胎孕也

○妊娠傷寒禁忌藥三十七味

抗班 水蛭 蛭虫 烏頭 附子 天雄 桂

野葛 水銀 巴豆 牛膝 薏苡 吳蚣

三棱 代赭 芫花 大戟 蛇脫 雌雄黃

礞石 芒硝 丹皮 槐花 牽牛 皂角

半夏 南星 通草 瞿麥 乾薑 桃仁

礞砂 乾漆 蟹爪 地膽 茅根 射香

○墮胎有四

三箇月墮胎

三月男女分相火養胎屬熱易墮輪此月宜服

安胎飲

血氣虛墮胎

血氣虛乏不能養胎譬如枝枯葉落○服安胎  
飲倍加人參當歸

勞恐等墮胎

勞傷脾血無化源恐傷腎胎無資固譬如風撼  
木人折枝○服安胎飲堅孕惟免勞喜自調攝  
則吉

半墮胎

又名半產  
亦在墮列

血氣虛弱不足月墮○服芎藭補中湯

墮胎方

有孕二三月欲去胎者服肉桂牛膝各一兩瞿麥五錢花粉一兩二錢善而去之

### 毒藥墮胎症

婦人有孕而故服毒藥攻胎致藥毒中心牙關緊急兩手強直握拳頭低自汗身微熱與中風相似脉浮數醫者不識作風治必損宜用白匾豆一味生研末以新汲水灌之

### ○難產

凡各症用藥另開方在後隨時取用

### 胎肥壅盛難產

平日有痰積胞門○服枳殼散

瘦人血少難產

平日火多血不足○服無憂散

橫生難產

兒頭向上脚垂下○服催生丹 針刺法

鹽塗法

胎乾難產

或血暴下以致胎乾○服半夏湯

肥人勤勞難產

肥胖人因勞役動傷胎氣○服紫蘇飲加補氣

藥



鬱悶難產

因七情氣鬱○服達生散加撫弓香附

安逸難產

平日使孕婦舉動則吉如懷難產太○服達生散

惡阻難產

餘血結成塊俗名為兒枕敗血裹其子宮○服益母丸童便酒各七分化下又用當歸桂玄胡索等分為末每服二錢酒送下

附盤腸產

臨產腸先出後見下腸不收用醋半盞水七分

調噴婦面噴一口縮腸一分再噴二口腸縮尽  
為度○又方用半夏為末吹入鼻中亦即收也  
坐產

此言兒欲生時當從高處牢擊手巾一條令產  
母以手攀之輕上屈足如坐令兒生下非是產  
母臨生兒時坐看一物若如此反抵兒路不能  
生矣

附胎衣不下取法

餘血流入胎衣則難出其症面垢頰赤寒熱有  
盜汗連臍堅脹痛甚易殺人○服牛膝湯胞即

爛下不下再服半夏湯

○產後

有七十名

產後煩悶虛熱

血傷為風邪所乘氣不宣而痞塞生熱煩悶口乾多飲○服生地黃湯

產後虛煩

去血多則陰虛生熱其症心胸躁滿短氣骨節痛晡時輒作用蒲黃隔紙炒赤冷熟湯調下

產後虛羸喘促寒熱如瘧名曰蓐勞

用猪腎切去筋膜淡豉人參當歸糯米葱白水煎服

產後虛煩頭痛欲死悶亂不解

用麥門冬石膏淡竹茹水煎服

產後敗血腹中時時刺痛

用四物湯去熟地加人參乾薑黑炒甘草

產後下血不盡

腹痛不可忍○服芎仁散

產後血上衝心

血上衝心血刺血暈血氣腹痛○服卷荷散

產後血暈

血暈不知人事○服清魂散用牀前燻法

產後瀉血

下血或紫或紅或黑○益母丸棗湯下

產後血傷肺嗽

敗血上攻流於肺經咳嗽○二母散

產後面黑發喘欲死

血入於肺以致面黑發喘欲死者○服參蘇飲

產後暗風

產後三日起卧不得眼前花黑因血氣未定走  
運五臟入肝目昏或口乾煩渴悶亂如見鬼狂  
言不省人事○服益母丸童便酒薄苛湯各半

化下或服清魂散用牀前燂法

產後中風

牙關緊急半身不遂失音不語○服益母丸童便酒各半化下

產後中寒

遍體手足俱冷強直口噤不識人事○用白朮四兩酒二升煎一升頓服之

產後感冒咳嗽

感風寒咳嗽喘滿痰涎壅塞○服旋覆湯

產後暮發熱

日間平安暮則發熱增寒○用四物湯去芍藥  
加軟柴胡三分

產後諸風

痿痺無力○服血風湯

產後遍體疼痛

產後百脉開張血脉流走氣弱則經絡肌腠之  
間血滯致骨節不利筋急腰難轉側手足難動  
身熱頭痛不可誤作傷寒治○服超痛散

產後太陽痛

兩太陽痛呵欠心忪氣短肌瘦不思飲食身熱

手足頑麻百節疼○服益母丸米飲湯下

產後面垢

面垢顏赤五心煩熱或結成血塊臍腹奔痛時  
發寒熱或冷汗○服益母丸童便酒各半

產後二便不通

大小便不通煩熱口苦○服益母丸薄荷湯

產後小便數及遺尿

用桑螵蛸錢五龍骨兩一為末米飲調下二錢

產後帶下

不論赤白帶○服益母丸膠艾湯下



產後經水

月水不調○服益母丸溫酒下

產後口乾心悶

血氣未定食麪太早積滯在內口乾心悶煩渴  
熱燥或兩太陽穴痛呵欠怔忡氣短肌瘦不思  
飲食血風手足頑麻百節疼○服益母丸米飲  
童便各半下

產後浮腫

四肢浮腫疼咳嗽敗血滲入四肢化為膿狀或  
喘或小便澀或咳嗽胸膈不利惡心口吐酸水

兩目浮兩脇痛舉動乏力○服益母丸溫酒下  
產後寒熱往來

寒熱往來敗血入心則熱入脾則寒狀如瘧狀  
臍腹作疼或作聲○服益母丸溫米飲下

產後虛煩不得眠

用熟地當歸梔子香豉水煎服

產後吃噁

用白豆蔻丁香伏龍肝為末以桃仁吳茱萸煎  
湯調下一錢如人行五里又再服

產後咳逆三日不止欲死者

以桂心附薑汁合三煎取二合先以火灸背摩令  
熱塗藥盡為妙

產後癰亂

氣血俱傷臟腑虛損或飲食不消觸冒風冷致  
陰陽不順清濁相干氣亂於腸胃之間真邪相  
搏冷熱不調上吐下利○渴飲水者五苓散寒  
多不飲水者用理中丸

產後癰亂

吐利腹疼煩渴手足逆冷○用白朮散

產後嘔吐

脾胃受血氣所傷腸滿悶嘔吐惡心○服如聖湯

產後陰陽不和

乍寒乍熱惡露停滯胞絡亦能令人寒熱但小腹急痛為異○服

產後痢疾

未經月滿或誤食物與血相攻擊前所積因而成痢○服化積丸棗湯下

產後便澀痢

下痢腹痛小便澀○服良方

產後膿痢

下膿多血與屎少○服宣明白朮湯

產後血痢

下血不止○服宣明三聖散

產後大便閉

大便閉口苦煩渴不語因敗血衝心○服益母  
丸加紅花枳實末各七分童便酒各半送下

產後崩中

惡血崩漏狀如泉水○服瑞蓮散

產後吐逆不止

吐逆胸膈虛脹因敗血停於脾胃○服益母丸  
加三七末一錢溫酒化下

產後鼻衄口乾

鼻衄口乾舌黑因心臟熱○服益母丸加三七  
末一錢童便酒各半化下

產後不語

不語因虛弱停積敗血閉於心竅○服八珍散  
產後虛勞

去血過多血虛生內熱其症心虛煩滿呼吸短  
氣頭疼悶亂晡時轉甚與大病虛煩相類○服

參歸散

產後虛煩不止

虛渴不止少氣腳弱眼眩飲食無味○服熟地黃湯

產後瘡痢多寒

寒熱相半或寒偏多者○服生熟飲子

產後瘡痢多熱

寒熱相半熱偏多者○服草果飲子

產後頭疼

頭疼不止○服川芎散

產後怔忡

怔忡不定言語錯亂○服茯苓散

產後發熱盜汗

因陰虛所致氣血不足○服人參湯

產後肉冷汗不止

下血多虛極生風唇青肉冷汗不止○服濟花

丹

產後汗不止

服黃芪湯外用撲法

產後羸勞發熱汗出不止



用參朮各五錢茯苓牡蛎麻黃根各四錢用  
童子雞一隻以水同藥煎服

產後汗出太甚

血虛為風邪所搏若兩手拭不及者不可治

產後氣急喘聲

氣急喘聲因敗血衝心入喉中萬無一生矣

產後面黑生黑壓

面黑及遍身生黑壓因敗血入皮膚萬無一生

產後房勞

百日內勞動或傷房事如中風初病之狀眼流

腰強筋急角張牙閤緊急皆自傷犯耳

產後心腹痛

心腹絞痛欲絕○服失笑散

產後喉痛

四物湯加人參蜜炙黃柏竹瀝荊芥

產後因氣腹大如抱甕

四物湯加丹皮枳殼烏藥香附木通滑石紅花

蓬朮玄胡索桂

產後乍見鬼神

心主血脉汚血妄行觸心亡無所主故恍惚如

見鬼神○用調經散

產後三月後惡露不止腹疼

用芎歸香附青皮芍藥阿膠艾地榆蒲黃

產後四五十日怒氣惡露不止如米粒塊淡紅色

用四物湯加丹皮紅花青皮蒲黃黃芩

小產後血下久不止

用芎歸參芪白朮香附砂仁青皮阿膠艾

小產後心腹疼痛

四物湯加紅花香附丹皮玄胡索青皮

產後胞損

胞損成淋瀝○服參朮膏 煎猪羊胞湯極飢

時服之

產後子宮不閉

用補中益氣湯加醋附半夏酒苓身熱加酒栢  
或用荊芥臭椿皮藿香煎湯熏洗

產後生腸不收

用草麻子去皮搗爛付頭頂立上腸上速即取  
下草麻

產後子宮痛不可忍

用五倍白礬為末溫湯泡洗乾摻亦可

產後陰戶脫出

四物湯加龍骨末少許煎服如不愈加白朮黃芪升麻再煎服

產後陰戶垂出肉線

先服失笑散數貼仍用生薑仁去皮搗爛以油同煎乾炒焦為度絹裹薑熏肉線兩日夜肉線屈曲作團納入陰戶熏○此緣服催生藥太早驚動未離經而用力太過致膚膜有傷見此疾兒枕痛

此由胎中宿有血塊產時血破與兒俱下則無

患若腹有風冷則血滯而不能流通是以結聚  
疼痛病名兒枕○用五靈脂末謾火熬溫酒調  
下二錢又方蒲黃隔紙炒服二錢米飲調下又方  
陳蟹殼燒灰酒調服

○胎前產後乳症

六名

○無子食乳成病  
一名失開附後

胎前乳哭

開前死症條下

產後乳脉不行

乳脉不行身壯熱頭疼目昏大便澀○服玉露  
散○下乳汁用木通半斤猪蹄一隻同煮食之

產後吹乳

吹乳腫痛頭夜發熱○皂蛤散

產後妬乳

妬乳并癰○服連翹湯

產後乳懸

兩乳伸長細小直至小腹痛不可忍存亡須臾  
間○用芎歸二味尾器內水濃煎不拘時頻服  
之耳以弓歸燒烟令病人鼻吸烟氣○草麻子  
一粒用冷水磨塗頭頂心片時即洗去

乳頭破裂

以苧麻根搗傳之愈又方鹿角燒灰酒塗或石  
上磨濃汁塗之

乳母但覺小便短少即是病到須服調理藥

○經水不行

十六名月水不來胞脉閉也因  
脾胃氣血俱虛以致經水不行

脂滿經閉

因軀肥滿閉胞門○服導痰湯加黃連川芎不

可服地黃

血竭經閉

宜瀉胃中燥熱  
補氣血經自行

肌肉消瘦時見渴燥○服四物湯加紅花

血枯經閉

調血脉除胞中  
火邪經自行矣



燥渴時見大便閉澁小便雖清不利○服加味  
四物湯瘦人加桃仁紅花

瘀癥經閉

小腸移熱與大腸則經水沉滯不行○服良方  
通經丸

經月經閉

或三四月不行或一月再至○服當歸散

勞心經閉

心火炎上月水不來○治宜安心補血瀉火經  
自行

經年經閉

因血氣寒積結  
胞門經絡凝堅

唾涎久則成肺癰形瘦或盤結遶臍或兩脇下

小腹寒疝痛引腰脊○服

數年經閉

發寒熱或喘○治宜涼血和血經自行矣

胎產經閉

失血太過血難成  
易虧天故經不行

或經墮胎或多生育○服滋陰九

潮熱經閉

久患潮熱因熱燥血故經不行○服清熱滋榮

調經九

盜汗經閉

汗乃心之液。則血少經不行矣。

久發盜汗○服滋陰丸

食少經閉

血乃飲食所化。食少則血少故經不行矣。

胃氣不和飲食減少○服和胃健脾進食丸

七情經閉

因七情傷心心氣停結故血閉不行○治宜調

心氣通心經使血生經自行矣

寒邪經閉

由寒氣客於血室故血凝不行

繞臍綿痛其脉沉緊○服桂枝桃仁湯

結積經閉

經不行結積在臍下如覆  
○服地黃通經丸  
撮痛經閉

血氣撮痛月水不行豫先嘔吐疼痛○服瑞金  
散

經水不行用法立通

用皂角末紅棗肉等分為丸如芡實大葱白一  
段破作四界裹藥入陰戶中立通三四箇月胎  
孕亦用此藥立應

○經漏不止又名崩中

有十

熱則流通虛則下漏故血忽然而來急治其標用

白芷湯調服百草霜甚者棕灰或猪頭骨灰或五  
靈脂半生半炒俱用酒調服後以西物湯加炒黑  
乾姜少許調補之緩則四物湯芩連人參香附四  
物湯加荆芥止血神効

動濕經漏

或飲食勞倦或素有心氣不足是火乘肝動濕  
脉弦急

大○服東垣升陽除濕湯

陰虛經漏

腎水陰虛不能鎮守胞絡相火故血漏下○服  
涼血地黃湯

勞傷經漏

氣血勞傷非時崩下食少臍腹疼痛脈遲弱○  
眼伏龍肝散

經漏過多

下氣太過或氣逆心悶○服茯苓補心湯四物  
湯合參蘇飲

經漏鮮紅

下血鮮紅不止或因勞役脾胃虛損氣短氣逆  
自汗不止身熱食懶大便或澁体倦無力○服  
當歸芍藥湯

經漏紫黑

下血紫黑或夏月如腐肉臭脉虛洪數腰痛脘  
下痛臨行先是寒熱往來兩脇急縮兼四肢因  
倦心煩不得眠○服小薊湯不愈再服一咲散  
經漏涕溢

陰虛陽乘天暑地熱故血溢沸○服黃芩湯  
經漏暴下不止

暴下片血不止不限年月遠近○服牡蛎散  
經漏經年

服香附二兩炒赤蓮壳五箇燒存性為末每服

二錢空心陳米飲調下不愈再服奇効四物湯  
經漏五色

崩漏不止或五色或如豈汁或如猪肝或瘀血  
臍腹脹痛頭暈眼花久不止令人黃瘦口乾胸  
煩不食○服地榆三兩醋一升煮十餘沸食前  
稍熱服一合不愈再服鎮宮丸

經漏逆行

或血腥氣或吐血或唾○服韭菜自然汁

○經水不調

有針

先期過期或閉不行皆可以成病也凡論月水俱



言風冷乘之經云亢則害承乃制熱甚則兼水化  
况婦人性偏慈倍厥陽之火無日不起非熱而何  
經水先期來

是血熱也○四物湯加黃連

經水過期來

是血不足也○服滋榮調經丸

經水將行作痛

是血滯也○四物湯去地黃加青皮桃仁黃連

香附

經水行後作痛

是氣血俱虛也○服四物湯合四君子湯

經水成塊

是氣之凝亦有熱也○四物湯加丹皮青皮香  
附黃連柴胡

經水色淡

是虛也有水混者亦有痰者○四物湯去地  
黃加二陳湯

經水紫色

是氣之熱也○四物湯加黃連柴胡

經水黑色

是熱之甚也○四物湯加香附黃連

經水錯經妄行

是氣之也○服紺珠正氣天香湯去乾姜加  
犀角地黃

經水適斷適來

或有往來寒熱○服先小柴胡湯以四物湯和  
之若腹中堅痛不能行動躰倦不食服桃仁散  
經水過多

肥人痰多阻滯血海因而下多目必漸昏○服  
南星蒼朮川芎香附黃連白朮等分即愈服

經水淋瀝不斷

勞傷血氣衝任脉虛月水過多○膠艾湯

○赤白帶下

十七名

臍之下三寸有任督二脉任脉是血督脉是氣任脉走胞上過腰間帶脉故名曰帶林瀝如精之狀男子後土莖而下女子後王戶綿上而出且不痛間或有痛者壅塞也患病之本有十七名標病之狀止於五色傷肺白如涕傷心赤如津傷脾黃如爛瓜傷肝青如泥傷腎黑如衄血此症赤白皆屬血出大小腸之分須用四物為主春加防風倍川

芎夏加黃芩倍芍藥秋加天門冬倍地黃冬加桂  
倍當歸隨得病之因同用藥耳

○實脉道三

兩手脉滑大數有力為有餘之症

○虛脉道五

兩手脉微細沉緊澁或洪大無力為不足之症

胞脉帶下

實熱結於任脉津液湧溢其症頭目昏眩口苦  
舌乾咽噎不利小便赤澁大便閉滯○服十棗  
湯下之後服玄胡散調下

產後帶下

產後起早不避風邪或寒或熱入於胞門○服四物湯去芍藥地黃薑炒加防風升麻柴胡羌活天花粉

陰虛陽竭帶下

陰虛陽竭榮氣不升經脉凝泣衛氣下陷精氣累滯於下焦奇經之分蘊積而成○服衛生湯加升麻柴胡橘紅

酒色帶下

醉飽房勞或服燥藥食物○服四物湯加天花

粉門冬、白朮、黃柏、知母

思想帶下

思想無窮所願不得意淫於外入房太甚發為  
筋痿及為白淫謂白淫積如精之狀此症服藥  
不効須先告之以其死使其心灰不去思想方  
用劫藥○服就肝散

驚恐帶下

或因驚恐而水乘脾土濁液下流○服扁連湯  
溫熱帶下

各經溫熱流寄於小腹之下而為帶○服宣明

導水丸

血虛帶下

崩中血少復亡其陽故白滑之物下流不止○  
服固真湯

痰積帶下

胃中痰積流下滲入膀胱○服二陳湯加苓白  
朮升麻柴胡不愈用升提吐法

腎肝帶下

陰淫之濕勝○服固腸湯

陰痛帶下



白帶下陰戶痛心急疼身黃皮緩身重陰中如  
水○服升陽燥濕湯

五色帶

又名五  
色少淋

或三四色或四五色○服歸艾湯

癰疔帶下

癰疔白帶下注脚氣腰已下水冷厚衣火烘尤  
寒面白如枯魚肌瘦心便與白帶常流不禁○  
服酒煮當歸丸

悲寒帶下

白帶腥臭多悲不樂大寒○服桂附湯

年高帶下

年高婦人帶下○以四物湯為末蜜丸桐子大空心米飲下四十九丸

寒濕帶下

白帶久下不止臍腹冷痛陰戶亦然目中溜火視物恍然無見牙齒惡熱飲痛須用黃連末擦之乃止○服固真丸

○癥瘕

名六

癥者堅也瘕者假也假物以成形故有七癥八瘕之名經論並無十五名但有蛟蛇血肉蠶虱米苳

七症初非定名偶因食物相感而致患耳婦人由  
三因動傷五臟氣血氣血不流而停滯故為癥瘕  
古人謂為瘕疾肝經摠司又任脉為病其內苦結  
男子為七疝女子為癥瘕非大辛之劑不能已名  
雖異而病則同前人施治亦未見有分其異同者  
故選三日俱備經治丸用之相同多矣

癥

腹中堅硬按之應手謂之癥也○服見睨丸摠  
治諸癥

瘕

腹雖硬而忽聚忽散腹內堅痛未及癥○服見  
現丸摠治諸瘕

肉瘕

或禽獸血肉髮虱等有形之物過食停滯假血  
而成不必泥此屬血病○服積氣丹

血瘕

飲食間中留聚假血而成不必泥此屬血  
病○服積氣丹

瘕瘕

血澀不利月事沉滯不行○服良方通經丸

繫瘕

寒氣客於大腸故衛氣不榮有所繫正而結瘕  
在內惡氣乃起息肉乃生漸大腹懷子按之則  
堅推之則移久不已是名腸覃先氣病血不病  
故月事不斷以時而下○服晞露丸

石瘕

生於胞中寒氣客子門惡氣不散衃血漸大狀  
如懷子月事不以時下此氣先病而血後病○  
服見睨丸

食瘕

嘔吐辛酸○服感應丸

肝瘕

積心腹間小如拳大如杯碗不消漸上搶心及  
心脇脹滿繞臍痛不可忍○服保安丸

熱瘕

或有陽氣鬱結怫熱壅滯而堅硬不消者非是  
寒瘕瘕也

○寡婦尼姑室女

四名

思慕

思男子不得聚合獨陰無陽以致陰陽交爭乍

寒乍熱狀似瘡類久則成癆黃腫無藥可治要  
自散鬱成服○白聖丹

夜夢鬼交

時常怕見人不時若與人爭忤狀或時獨笑或  
時悲泣者是也久作癥瘕或成鬼胎○用松脂  
三兩炒乾另研雄黃一兩另研熔化入安息香  
末虎爪末各五錢水和凡婢子大患人裸身坐  
焙笼上四圍以衣遮蓋下用火爐燒藥一丸熏  
之甚者不過五丸其脉伏遲或鳥啄皆鬼邪為  
病顏色不變亦此候也

慈戀愛憎妬悲鬱

鬱不能釋兼肝脉絃多因血盛得白濁痰逆頭  
風痛氣痞悶面黧瘡瘦等症○服白聖丹

室女帶下更有

有因經水初下陰中有熱當風扇者

二有大衝脉氣盛則內熱以寒水之者

三有乍見經行一時驚悸者○已上三帶各隨  
得病因治之

○成胎

誠恐後人  
情去故附錄之

經事五日後陰戶微痒子門已開一日二日三日



間陽精施去胞中陰血隨後裹精道成男四日  
五日六日七日間陰血先在胞中陽精後施去裹  
血坤道成女過此日期血雖足精雖厚並不成胎  
矣

○胎漸成形臟腑輪次養胎悉用藥干紀輪  
共臟腑故附之  
一月精血凝於子宮肝經養之

二月胎形成胚胆經養之

三月成形男女分陽神為魂木生火包絡經養之

四月形像具陰靈為魄三焦經養之

五月筋骨成五行分五臟火生上脾經養之

六月毛髮生六律定六腑足胃經養之

七月七情開七竅通光明兕能左手土生金

肺經養之

八月八景神具濟真靈兕能右手大腸經養之

九月在胎中三轉身宮室羅布以定精腎經養之

十月受氣足萬象成膀胱經養之

自肝為始臟腑相滋各養三十日心與小腸二經不在十月養胎之列為平居之日在下為月水有胎之時在上為乳汁故不養於胎也

○不受胎

十八系恐後人難求子故附錄之

一白帶

續補秘法卷之二 婦科

二赤帶

三經水不利

四陰蝕

五子臟堅

六子門癰即石瘕

七陰陽患痛

八小腹寒痛

九子門閉

十子宮冷

十一子臟酸疼

十二夢與魂交○已上並服龍骨散

十三女血不足○服四製香附丸加四物湯

十四男子精寒○服補腎丸加肉蓯蓉

十五男子精薄○服補腎丸

十六瘦人子宮乾澀○服四物湯加香附黃芩丸為

十七肥人軀脂滿溢子宮○導痰湯加川芎滑石

十八經事後十三日子宮閉雖不犯前条亦不受

胎也

○斷孕法一条

婦人生育不順怕產者○服九龍丹  
枸杞子

金櫻子 山查肉 佛座鬚 熟地黄 炙實

白茯苓 當歸各等 為末酒糊丸如梧子大每

服五十丸淡鹽湯空心送下

附無子食乳原該開煎乳症下

乳不消散令人惡寒發熱○用麥芽炒二兩為末

作四服湯送下如乳硬加滑石瓜婁甘草

○種子法

士康無子欲求嗣者男服五十衍宗丸女服百子

連中丸

種子第一方

五子衍宗丸 男服

枸杞子

兩九

兔絲子

兩十

覆盆子

酒拌

車前子

三兩

微炒

五味子

三兩

炮乾

右為末

蜜丸

如桐子大

每服九

十丸

空心鹽湯下冬月洒下脩合日春丙丁巳

午夏戊巳辰戌秋壬癸亥子冬甲乙寅卯須上

旬晴霽之日忌鷄犬見有人世七服此子孫蕃

衍遂成村落之說嘉靖丁亥廣信鄭中丞宅得

之張神仙四世孫予及數人用之殊驗

百子建中丸 女服

真阿膠

二兩

蛤粉

斬艾葉

二兩

去筋

當歸

二兩

微炒

當歸

二兩

微炒

當歸

川芎一兩 熟地二兩 芍藥二兩 香附十二兩 水

每服八十九空心少醋點沸湯服如內寒酒下

大僕吏鮑妻久無子服此五月受胎生男因附

歸艾湯

當歸半一錢 熟地半一錢 芍藥半一錢 阿膠半一錢 桑葉半一錢

川芎錢一 黃芪錢一 艾葉錢一 水二鍾生薑五

片煎一鍾空心食前服

安胎飲

白朮蒸 黃芩炒 水二鍾煎八分不拘時服

氣飲

蘇葉

大腹皮

陳皮

芍藥

當歸

川芎君

人參

甘草

臣

益母草水二碗

姜五片葱白七寸煎八分不拘時服

安胎白朮散

白朮

川芎君

吳茱萸

甘草

臣

右為末每服二錢溫酒調下

東胎散

益母草

大腹皮

人參

陳皮

白朮

甘草

紫蘇

當歸

枳殼

黃芩

川芎

加春

水二鍾煎八分不拘時服交八九箇



月服數貼甚得力

束胎丸

黃芩

白朮

茯苓

陳皮

右為末

和粥為丸如桐子大每服四五十九空心白滾湯下

安胎和氣散

訶子

白朮

陳皮

良姜

芍藥

陳米

甘草

水二鍾生姜五片煎八分

不拘時服忌食生冷

黃芪湯

黃芪錢三

白朮

防風

熟地

牡蠣

白茯苓

麥門冬

甘草炙

水煎服

血風湯

秦艽

羌活

防風

白芷

川芎

芍藥

白朮

當歸

地黃

茯苓

半夏

黃芪

水煎服

行氣半夏湯

橘紅

細辛

人參

芍藥

紫蘇

川芎

桔梗

甘草

用水二鍾煎至

八分空心服

膠艾湯

阿膠

艾葉

益母草

水煎服

枳殼湯

枳殼

黃芩

白朮

用益母草煎湯

二碗入藥再煎至八分食前服

地黃當歸湯

當歸

地黃

用益母草煎湯二碗入藥

再煎至八分食遠服

竹葉湯

白茯苓

防風

麥門冬

黃芩

用益母草

草煎湯二碗入藥再煎至八分臨服加竹瀝半  
酒盞食遠服

四物湯

當歸

川芎

白芍

地黃

用益母

草水二碗煎八分不拘時服

芍藥補中湯

芍藥

五味子

阿膠燒

黃芪

蜜炙

當歸

赤芍

白朮

木香

磨入

人參

杜仲

甘草

水二鍾煎八分不拘時服

半夏湯

半夏

肉桂

桃仁

大黃

右為末

先服四物湯次服此

牛膝湯

牛膝

瞿麥

當歸

通草

葵子

各等分水煎服

旋覆湯

益母草

旋覆花

麻黃

前胡

杏仁

五味子

荊芥

半夏

赤芍

茯苓

水二鍾煎八分不拘時服

白朮湯

益母草

白朮

白茯苓

橘紅

半夏

五味子

水二鍾姜五片煎八分不拘時服

如聖湯

益母草

半夏

赤芍藥

陳皮

人參

澤蘭葉

生姜

各等分

水二鍾煎八分服

生地黃湯

生地汁

和酒清

姜汁

合

當歸

為末

童便

共和煎三四沸分四服

熟地黃湯

熟地

益母草

人參

花粉

麥門冬

水二鍾糯米一撮姜三片紅棗三枚煎八分服  
連翹湯

升麻

芒硝

玄參

芍藥

白欬

防風

射子

大黃

杏仁

各等分

水二鍾煎八分食後服

人參湯

益母草

人參

當歸

右為末以猪腰

子一隻去膜切作片水二鍾糯米半合葱白二  
根煎取汁一鍾入藥又水一鍾再煎至八分不  
拘時服

八珍散

人參

菖蒲

生地黃

川芎

略一

防風

辰砂

各五錢

細辛

錢一

甘草

五錢

為末薄苛湯下

白朮散

白朮

兩一

橘紅

兩一

麥門冬

兩一

人參

兩一

乾姜

兩一

甘草

錢五

為末每服四錢溫白湯下

調經散

當歸

赤芍藥

琥珀

沒藥

桂心

細辛

射香

加生龍腦一捻姜汁半小

盞溫酒調勻服得睡即安



桃仁散

桃仁

六十

厚桂

兩一

當歸

兩一

芍藥

兩一

右分作

二服白水煎未愈加大黃服之

斬鬼丹

吳茱萸

川烏

秦艽

柴胡

姜蚕

巴戟

巴豆

芫花

醋

各

右為末煉蜜

凡如桐子大每服七丸蜜酒吞下

超痛散

牛膝

甘草

萑白

當歸

桂心

白朮

黃芪

獨活



煎空心服

加減四物湯

生地

芍藥

柴胡

秦艽

黃芩

為末如梧子大每服三十丸烏豆湯吞下

桂枝桃仁湯

桂枝

赤芍

生地

桃仁

水二鍾

入薑棗食後服

升陽除濕湯

柴胡

羌活

蒼朮

黃芪

防風

甘草

升麻

藁本

蔓荊子

獨活

當歸

水二鍾煎八分食前服

涼血地黃湯

生地黃

當歸

黃連

羌活

柴胡

防風

黃柏

知母

升麻

蘼朮

細辛

川芎

甘草

蔓荊子

荆芥

黃芩

紅花

水二鍾煎八分食前服

當歸芍藥湯

黃芪

白朮

蒼朮

白芍

歸身

熟地

甘草

生地

陳皮

柴胡

水二鍾煎八分食前服

小薊湯

小蓴葉

取汁

生地

白朮

兩

水二鍾煎八分

溫服

黃芩湯

黃芩

不拘多

為末每服二錢燒秤錘淬酒調下

二陳湯

陳皮

炒

半夏

姜汁炒

各等分

四君子湯

人參

白朮

茯苓

甘草

水煎服

十棗湯

芫花

甘遂

大戟

水煎服性有毒

不可輕用

膠艾湯

艾葉

阿膠炙等水煎服

衛生湯

芍藥

當歸

黃芪

甘草 水二鍾

煎八分空心服

補經固真湯

人參

橘紅

乾姜

葵花

柴胡

甘草

郁李仁

黃芩

水二鍾煎一鍾

半再入黃芩煎至八分空心熱服少頃以早粥

壓之

升陽燥濕湯

防風

良薑

乾薑

郁李仁

甘草

柴胡

陳皮

黃芩

白葵花

水二

鍾煎八分空心服

桂附湯

肉桂

附子

黃柏

知母

甘草

升麻

黃芪

人參

水煎食前服

佛手散

當歸

川芎

用益母草煎湯二碗煎至

八分食前服

二黃散

生地

熟地

為煎白木枳殼湯調二錢

桑寄生散

桑寄生

當歸

川芎

續斷

阿膠

香附

茯神

白朮

人參

甘草

水二碗生薑五片煎一碗不拘時服

天仙藤散

天仙藤

香附

陳皮

烏藥

各等分

甘草

生薑

木瓜片

紫蘇

用益母草煎湯

二碗入藥再煎至八分食前服

安榮散

益母草

麥門冬

通草

滑石

人參

細辛

當歸

燈心

甘草

右為末

每服二錢不拘時白湯下

犀角散

益母草

犀角

山梔

羌活

黃連

青黛

川芎

茯苓

甘草

各等分

白芷

水二碗竹葉七片煎八分食遠服

桑螵蛸散



益母草 · 桑螵蛸 為末每二錢米飲下

白薇散

益母草 白薇 白芍一作芍 右為末每服二

錢溫酒調下

羚羊角散

益母草 羚羊角 獨活 棗仁 薏苡

五加皮君 防風 當歸 茯神 川芎

杏仁臣 甘草佐 水煎磨入木香三錢食遠

溫服

獨聖散

蔓荊子

為末每服二錢空心煎葱白湯

下

枳壳散

枳壳炒

粉草

為末每服二錢空心百沸湯

調下日二服

無名散

當歸

川芎

木香

白芍

枳壳

甘草

乳香

另研

水二鍾煎八分臨服入乳香

血余灰服之

黑神散

黑豆

炒

當歸

肉桂

乾薑

熟地

蒲黃 白芍

甘草各等分為末每用二錢

酒童便各半調下

平胃散

蒼朮

厚朴

陳皮

甘草

水酒各

一鍾煎至九分投朴硝五錢再煎數沸溫服胎化血水而下

黑効散

百草霜

白芷

各等分

每服二錢童便調稀百沸

湯送下

香桂散

下死胎萬不得已用此方

麝香

桂心

為末和勻

服溫酒下

三聖散

益母草

當歸

玄胡索

各等分

右為末每

服二錢酒或童便調下

連散

益母草

瑞蓮

棕櫚

灰

肉桂

當歸

煆即

鯉魚鱗

燒

川芎

為末每服二錢

食前生姜湯并酒送下

七珍散

人參

菖蒲

生地

川芎

細辛

防風

辰砂

為末每服二錢不拘時薄

苛湯調下

玉露散

川芎

桔梗

白芷

白芍

當歸

人參

茯苓

甘草

各等分

水二鍾煎一鍾

食後服如頭熱甚大便秘加大黃三錢

參歸散

益母草

人參

當歸

肉桂

熟地

麥門冬

白芍

生地

水二鍾糯米一

合竹葉十片煎一鍾食遠服

笑散

益母草

蒲黃

五靈脂



石

各等分

為末

每服二錢米醋調白湯送下

定痛散

益母草

當歸

官桂

獨活

牛膝

白朮

黃芪

生姜

韭白

甘草

桑寄生水煎服

卷荷散

益母草

紅花

當歸

蒲黃

炒

丹皮

各等分為末每服二錢食前酒調下

孤鳳散

白礬

研細

百沸湯調服二錢

催生如聖散

黃葵子

不拘多少

為細末每服二錢熱酒調下

二母散

益母草

知母

貝母

人參

桃仁

杏仁

水煎食後服

蛤粉散

蛤粉

皂角

燒存性

為末每服二錢酒調下

取汗為度

川芎散

益母草

川芎

烏藥

各等為末每服三錢

不拘時服燒紅秤錘淬酒飲之

清魂散

澤蘭葉

人參

川芎

荊芥

甘草

為末每服二錢不拘時白湯和酒調勻服下

茯苓散

益母草

白茯苓

木香

熟地

栢仁

訶勒皮

杜仲

青橘皮

烏賊骨

秦艽

赤石脂

兔絲子

當歸

各等

為末每服二錢



酒調下

瑞金散

玄胡索

丹皮

紅花

姜黃

赤芍

蓬朮

川芎

當歸

各等分

官桂

少加

水酒各半煎食前服

伏龍肝散

棕灰

伏龍肝

射香

少許

每用二錢淡醋

調下

一笑散

牡蛎

川芎

白茯苓

龍骨

熟地

續斷

當歸

五味

艾葉

人參

地榆

甘草

為末水二鍾薑三片棗三

枚煎八分食前服

牡丹散

丹皮

大黃

赤苓

生地

赤芍

當歸

白朮

各君桃仁

官桂

石菖

木香

水二鍾薑三片煎八分食前服

龍骨散

龍骨

三兩

黃栢

乾薑

伏龍肝

各二錢

桂心

石菖

滑石

各三

烏賊骨

伐赭

各五

蠶 五枚

右為末每服二錢酒下

知母飲

赤茯苓

黃芩

黃蘗

知母

甘草

麥門冬

用益母草湯二碗入藥再煎至八分

臨服加竹瀝半盞食後服

參蘇飲

人參

一兩

蘇木

二兩

水二鍾煎蘇木汁一鍾

調參二錢服之

參朮飲

益母草

人參

白朮

半夏

陳皮

甘草 加入四物湯生薑三片水煎服

枳實換即丸

枳實

換即

黃連

黃柏

黃芩

當歸

木香

阿膠

蛤粉

各五錢

為末水為丸如小豆大每服三四十丸不拘時溫米飲送下

益母丸

益母草

五月陰乾不犯鐵器石臼中搗

為末蜜丸彈子大或桐

子大或化童便酒各半送下臨產氣不順木香湯送下

通經丸

川椒炒

蓬朮

乾漆

當歸

各兩

青皮

乾姜

大黃

桃仁

炒

川烏

桂心

各一兩

為末

以一半醋熬成膏和余藥杵千下丸如桐子大  
陰乾每服五十九湯下

地黃通經丸

熟地

三兩

蜚蠊

水蛭

火炙

糯米

桃仁

為末蜜丸如桐子大空心服五丸加至七丸酒

送下

固真丸

當歸

柴胡

白石脂

白芍

黃芩

乾姜炒

龍骨煨

為末水煮稀麵為丸芡實

大每服五丸百沸湯下少時以粥壓之

固腸丸

椿根白皮

炒用

加佐使藥為末糊丸

酒煮當歸丸

當歸

酒洗

良姜

附子

各七錢

以酒二鍾煎至乾再焙黃鹽炒全蛤一錢酒煮

粥為丸桐子大

消塊丸

硝石兩六

大黃八兩

人參

甘草三兩右為末

酒三升入器中瓦片作準每入一升作一刻

先入大黃不住手攪使微沸盡一刻乃下余藥

又盡一刻微火熬便丸如桐子大服之

# 濟危丹

益母草

五靈脂

卷柏

玄精石

陳皮

桑寄生

另研

阿膠

將前四味研勻石器內微

火炒勿令焦再研細却入後四味藥末以生地

黃汁和丸如桐子大每服五十丸食遠當歸煎

酒送下

參朮膏

益母草

人參

白朮

桃仁

陳皮

黃芪

茯苓

甘草

猪羊胞入藥共

煎服之

天門冬飲子

天門冬

知母

芫薺子

五味

防風

茯苓

羌活

人參各等分

水二碗薑三片

煎八分食後服

生熟飲子

益母草

肉豆蔻

草果

厚朴

半夏



陳皮

甘草

大棗

生姜

各等分

水二

鍾煎八分食前服

草果飲子

草果

半夏

川芎

赤茯苓

陳皮

白芷

水煎服

全生方

白朮

姜皮

大腹皮

茯苓皮

陳皮

為末每服二錢米飲調下

探吐法

此法治胞轉服參朮飲以指探喉中吐出藥汁

出是驗

凡胞衣不下用法有四用藥有二婦人百病莫甚於生產臨產莫甚於催生既產莫甚於胞不下所以不下者母生訖血流入胞衣中爲血所脹治之稍緩脹滿腹中漸衝上心胸疼痛喘急多死必將衣中血散脹消胞衣自下俟待稍久急斷臍帶以少物擊墜繫時切宜用心先繫然後截斷不爾則胞上掩心而死繫墜則使其子血脈不朝入胞中則胞衣當自痿縮而下縱淹延數日亦不害人只要叮

寧產婦心安終自下矣下法有四○一取夫  
單衣蓋井上立出○二產婦自啣髮尾在口  
嘔噦即下○三取夫鞋底灸熨小腹上下五  
六次立効○四可掇千年運葉以左足先進  
房門放在門內即下○用藥有二○一皂角  
煨去皮絃用淨肉焙乾為末每服一錢沸湯  
泡水半碗溫服○二以土牛膝酒瞿麥各四  
滑石五錢錢用冬酒當歸酒木通錢六葵子錢五為粗  
末每服五錢水一鍾煎七分服

凡產後胎衣不下敗血冲心胸血悶者須用熱

少頃氣定又與之次早亦然

鹽塗法

治橫生倒產手足出者用鹽塗兒足底又以針刺兒足并以鹽磨產婦腹上即產

針刺法

治同前用粗針刺兒手足二分許兒得痛驚轉即縮自當回順而生

草鞋法

街路上尋側一邊草鞋燒灰酒調下

牀前薰法

治產後血昏不知人事乾澀燒煙鼻中熏之  
預備醋炭次服還魂散

見晚丸

巴豆霜

分五

三棱

兩

神麴

兩

木香

二錢

香附

錢

五

升麻

錢三

柴胡

錢二

草豆蔻

兩

湯送

下量

所傷

多少

如綠豆大每服二十九白

服之